

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA
Z E N I C A
Broj: T04 0 KTD 0069599 26
Zenica, 27.08.2026. godine

HITNO-PRITVOR!

KANTONALNI SUD U ZENICI
-Sudiji za prethodno saslušanje-
Z E N I C A

Na osnovu člana 45. stav 2. tačka i) i člana 241. stav 1. Zakona o krivičnom postupku Federacije Bosne i Hercegovine („Službene novine FBiH“ broj: 35/03... 8/13.), p o d i ž e m o

O P T U Ž N I C U

PROTIV: B. N., ...;

što je:

Dana 02.06.2026. godine, oko 18,00 sati, u Zavidovićima, na adresi ..., u kući u kojoj živi u vanbračnoj zajednici sa H. S. i njenih dvoje djece iz ranijeg braka kćeri ... (rođena ... godine) i sina .. rođen ... godine), nakon što se doveo u alkoholisano stanje, sa koncentracijom alkohola u krvi od 1,66 promila (‰), došao u kuću, pa nakon kraće prepirke sa S., u namjeri da istu usmrti, odmah iz džepa trenerke koju je nosio na sebi uzeo preklopni nož-čakiju, smeđo-žute boje sa oznakom „...“, dužine sječiva oko 5 cm, svjestan da ovim predmetom može usmrtiti člana porodice s kojim živi u zajedničkom domaćinstvu, to i htio, pa kada je S. u toku verbalne rasprave vidjela da je postao opasan i da će na istu fizički nasrnuti, počela je da bježi iz kuće u dvorište, gdje je trčeći sustigao i odmah fizički napao, na način da je uz pomoć fizičke snage bacio na tlo, uslijed čega je S. pala na koljena pa dok je tako klečala na zemlji, uhvatio je jednom rukom za kosu, zakoračio sa obje svoje noge kako ne bi mogla pružati otpor, a drugom rukom, u kojoj je držao naznačeni nož, zamahivanjem zadavao više udaraca u predjelu tijela, nanoseći istoj lahke tjelesne povrede u vidu: sječne rane u predjelu lijeve strane lica-predio donje vilice, dužine oko 3 cm i širine 0,5 cm, sječne rane na lijevoj strani grudnog koša prema lijevom ramenu dužine do 2,5 cm i širine 0,5 cm, dvije sječne rane u predjelu lijeve nadlaktice, jedna dužine 7 cm i širine do 1 cm, druga dužine 4 cm i širine do 0,5 cm, sječne rane u predjelu lijeve podlaktice dužine 2,5 cm i širine do 0,5 cm, dvije sječne rane u predjelu leđa, jedna u središnjem dijelu dužine oko 2 cm i širine oko 0,5 cm, druga dužine 3 cm i širine do 0,5 cm, da bi njene komšije B. S. i A. F. spriječili dalji napad, tako što su odvojili N. od S. i omogućili joj da pobjegne iz dvorišta, nakon čega se ista trčećim korakom udaljila niz ulicu, a N. se vratio u kuću, gdje je razbio staklo na prozoru u dnevnom boravku i tako držeći u ruci taj komad razbijenog stakla dužine 17 cm i maksimalne širine oko 8 cm, u obliku sječiva od noža, izašao ispred kuće, tražio S. i glasno vikao: „De je pobjegla k*“, pa kada se S. ponovno pojavila na putu dozivajući u pomoć, u pomoć joj je pritekao S. F. te je svojim vozilom odvezao u Službu hitne pomoći Zavidovići, gdje joj je i ukazana ljekarska pomoć,

dakle, s umišljajem pokušao usmrtiti člana porodice,

čime je počinio krivično djelo „Ubistvo“ iz člana 166. stav 2. tačka f), u vezi sa stavom 1. KZ FBiH i u vezi sa članom 28. KZ FBiH.